



REPUBLIKA E SHQIPËRISË
Komisioneri për Mbrojtjen e të Dhënave Personale
Komisioneri

Nr. 65/1 Prot.

Tiranë, më 7/2/2014

U R D H E R

Nr 05 ,datë 07/2/2014

Komisioneri për Mbrojtjen e të Dhënave Personale është autoriteti përgjegjës i pavarur, që mbikëqyr dhe monitoron, në përputhje me ligjin, mbrojtjen e të dhënave personale, duke respektuar e garantuar të drejtat dhe liritë themelore të njeriut. Në kuadër të ushtrimit të punës së tij ky Autoritet mbikëqyr në mënyrë të vazhdueshme dhe të kujdesshme informacionet që jepen nga shtypi i shkruar dhe ai audioviziv. Objekt i kësaj mbikëqyrje është mbrojtja e të dhënave personale, jetës private dhe dinjitetit të subjekteve të kronikave të shtypit të shkruar dhe atij audioviziv.

Komisioneri për Mbrojtjen e të Dhënave Personale bazuar edhe në informacionin e datës 09.01.2014 të Autoritetit të Mediave Audiovizive (AMA) drejtuar Komisionerit, verifikoi ligjshmërinë e mbledhjes, përpunimit dhe publikimit të të dhënave personale të subjekteve të të dhënave, nga kontrolluesi Televizioni "ABC News" gjatë transmetimit të kronikes lidhur me vrasjen e 4 personave në qytetin e Korçës.

Komisioneri për Mbrojtjen e të Dhënave Personale, konstaton se nga televizioni "ABC News" me datat 07 dhe 08 janar 2014 është transmetuar kronika lidhur me vrasjen e 4 personave në qytetin e Korçës. Gjatë transmetimit të kësaj kronike ndër të tjera thuhet se....*"një lidhje jashtëmartesore ishte shkak i vrasjes së katërfishtë në të Korçës..... u vranë në sy të fëmijëve të tyre të vegjël. Vrasësi pretendonte se kishte një lidhje intime që zgjaste pre 5 vitesh".*

Nga kronika jepen informacione të tilla si emri, mbiemri dhe aktiviteti i kryer nga i akuzuari, raporti i tij me viktimën, tregohet i saktë vendi i banimit etj. Në kronikë nuk kemi seleksionimin e informacioneve jo të domosdoshme në një përshkrim të ngjarjes të kryer në mënyrë që të respektohet privatësia e personave të përfshirë në këtë ngjarje.

Pavarësisht faktit që në kronikë nuk përmenden emrat e të miturve faktet që sjell kronika lidhur me vendin e kryerjes së krimit, emrat e personave të vranë, emrin e vrasësit dhe përshkrimi me imtësi i deklaramëve të vrasësit, bëjnë të mundur që të miturit të bëhen lehtësisht të identifikueshëm për këdo që ka ndjekur këtë kronikë.

Komisioneri për Mbrojtjen e të Dhënave Personale rikujton se, e drejta e ligjshme për të raportuar fakte me rëndësi publike e ushtruar nga mediat duhet të shoqërohet gjithmonë nga vetëpërmbytja e gazetarëve për të qenë të kujdesshëm në publikimin e fakteve që mund të rëndojnë dhe dëmtojnë viktimat e këtyre ngjarjeve. Kjo përgjegjësi e gazetarit është akoma me e madhe kur kjo ngjarje ka të bëjë me të mitur, të cilët në këtë mënyrë kronika i

viktimize me tej, duke anashkuar fenomenin, pra thelbin e kronikes dhe duke nxjerr ne pah detaje, te cilat nuk ndikojne ne thelbin e asaj qe duhet te arrihet nga transmetimi i kronikes.

Transmetimi i kesaj kronike me pohimet e mesiperme perben nje shkelje te rendte te Kushtetutes se Shqiperise, Konventes "Per mbrojtjen e te drejtave te femijeve", ligjit nr. 97/2013 "Per mediat audiovizive ne Republiken e Shqiperise", ligjit nr. 9887, date 10.3.2008 "Per Mbrojtjen e te Dhenave Personale", i ndryshuar dhe akteve nenligjore te miratuara nga Komisioneri per Mbrojtjen e te Dhenave Personale.

Komisioneri per Mbrojtjen e te Dhenave Personale ne udhezimin nr. 9, date 15/09/2010 "Per rregullat themelore ne lidhje me mbrojtjen e te dhenave personale ne median e shkruar, vizive dhe audiovizive" i ndryshuar, ne kreun II pika 4 parashikon qe "Me qellim te mbrojtjes se personalitetit, gazetari nuk publikon emrat e te miturve te perfshire ne raportet e lajmeve apo te japne detaje qe mund te cojne ne identifikimin e tyre. Mbrojtja e personalitetit te femijes shtrihet, duke pasur parasysh cilesine e lajmit dhe komponentet e saj, per faktet qe nuk perbejne ne menyre specifike krime. Ndalohet publikimi dhe perhapja e detajeve, me cdo mjet, te lajmeve apo fotove per te identifikuar nje femije te perfshire ne nje krim".

Gjate aktivitetit te tyre gazetarët duhet te bejne kujdes qe te balancojne nevojat e tyre per perdorimin e informacionit qe permban te dhena personale me te drejten e individit per respektimin e privatesis se tij. Ne rastin konkret e drejta e privatesis se te miturit, eshte parësore ne krahasim me te drejten e kronikes, kronika nuk duhet te transmetojne informacione te tilla qe te bejne te mundur identifikimin e te miturve viktime te kesaj ngjarje kriminale.

Sa me sipër:

Ne zbatim te neneve 29, 30 dhe 32 te ligjit nr. 9887, date 10.03.2008 "Per Mbrojtjen e te Dhenave Personale" i ndryshuar, si dhe nenet 107-109 te K. Pr. Administrative ;

U R D H E R O J

1. Ndalimin e publikimit te metejshem te te dhenave personale qe lidhen me rastin e transmetimit te kronikes mbi vrasjen e 4 personave ne qytetin e Korces nga televizioni "ABC News".
2. Fshirjen dhe shkaterrimin e te dhenave personale te cilat bejne te identifikueshem te miturit e perfshire ne kroniken mbi vrasjen e 4 personave ne qytetin e Korces te transmetuar nga televizioni "ABC News".
3. Per plotesimin e ketyre detyrimeve te njoftohet me shkrim pranë Komisionerit per Mbrojtjen e te Dhenave Personale.
4. Ne rast mospërmbushje te ketyre detyrimeve, Komisioneri vepron sipas nenit 30, pika 2 te ligjit nr. 9887 date 10.03.2008 "Per Mbrojtjen e te Dhenave Personale" i ndryshuar, sipas te cilit.. "Komisioneri ne rast shkeljesh serioze te perseritura ose te qellimshme te ligjit nga nje kontrollues ose perpunues, vecanerisht ne rastet e perseritura te

rekomandimeve të tij,vepron sipas nenit 39 të këtij ligji dhe e denoncon publikisht ose e raporton çështjen në Kuvend dhe në Këshillin e Ministrave”.

5. Ky urdhër hyn në fuqi menjëherë.

KOMISIONERI

FLORA ÇABEJ (POGAÇE)

